

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

Javna ustanova Institut za razvoj preduniverzitetskog obrazovanja Kantona Sarajevo

DOPUNA
PRAVILA JAVNE USTANOVE INSTITUT ZA RAZVOJ PREDUNIVERZITETSKOG
OBRAZOVANJA KANTONA SARAJEVO

Sarajevo, decembar 2024. godine

Na osnovu člana 42. a u vezi sa članom 31. stav (2) Pravila Javne ustanove Institut za razvoj preduniverzitetskog obrazovanja Kantona Sarajevo broj: 30/22 od 16. 03. 2022. godine, te Odluke ministrice Ministarstva za odgoj i obrazovanje Kantona Sarajevo o davanju saglasnosti na Pravila o dopuni Pravila Javne ustanove Institut za razvoj preduniverzitetskog obrazovanja Kantona Sarajevo, broj: 11-07/01-34-51627-2/24 od 06. 12. 2024. godine, Upravni odbor JU Institut za razvoj preduniverzitetskog obrazovanja Kantona Sarajevo na svojoj 40. sjednici održanoj dana 26. 12. 2024. godine jednoglasno donosi

DOPUNU

PRAVILA JAVNE USTANOVE INSTITUT ZA RAZVOJ PREDUNIVERZITETSKOG OBRAZOVANJA KANTONA SARAJEVO

Član 1.

“U Pravilima Javne ustanove Institut za razvoj preduniverzitetskog obrazovanja Kantona Sarajevo broj: 30/22 od 16. 03. 2022. godine iza Poglavlja XII dodaje se novo Poglavlje XIIa. i čl. 27a. koji glase:”

“XIIa. ORGAN RUKOVOĐENJA

Član 27a.

(Direktor Instituta)

(1) Organ rukovođenja u Institutu je direktor.

(2) Direktor organizira i rukovodi radom, zastupa i predstavlja Institut prema trećim licima i odgovoran je za zakonitost i stručnost njenog rada u skladu sa zakonom, Odlukom o osnivanju Javne ustanove Institut za razvoj preduniverzitetskog obrazovanja Kantona Sarajevo (“Službene novine Kantona Sarajevo”, broj: 37/21) i drugim propisima.

(3) Direktor Instituta ne može biti član Upravnog ili Nadzornog odbora Instituta.

(4) U rukovođenju Institutom direktor ima slijedeće nadležnosti:

a) da Upravnom odboru predlaže mjere za efikasno, zakonito i stručno obavljanje djelatnosti radi kojih je Institut osnovan;


b) da predlaže Pravila Instituta, Pravilnik o radu i Godišnji plan i program rada Instituta;

c) da predlaže i realizira Finansijski plan Instituta;

- d) da na kraju godine podnese Izvještaj Upravnom odboru o rezultatima rada i finansijskom poslovanju Instituta;
 - e) da prati realizaciju poslova i ostvarivanja zaključaka Stručnog vijeća Instituta;
 - f) da prati materijalno-finansijsko poslovanje Instituta;
 - g) da predlaže plan javnih nabavki;
 - h) da saraduje sa domaćim i međunarodnim institucijama i organizacijama kojima su u nadležnosti pitanja iz odgoja i obrazovanja;
 - i) da priprema i organizira sjednice organa upravljanja i kontrole poslovanja te Stručnog vijeća Instituta;
 - j) da odlučuje o pravima, obavezama i odgovornostima radnika Instituta iz radnog odnosa i da vrši druge poslove u skladu sa zakonom i Pravilima;
 - k) da u izvršavanju poslova iz svoje nadležnosti donosi odluke, naloge, rješenja, uputstva, preporuke, naredbe i sl.
- (5) Direktor je dužan da obustavi od izvršenja opći akt koji nije u saglasnosti sa Ustavom ili je u suprotnosti sa zakonom, kao i pojedinačni akt kojim se nanosi šteta Institutu ili društvenoj zajednici i da o tome obavijesti Ministarstvo.
- (6) Sva druga pitanja koja se odnose na imenovanje i razrješenje direktora, djelokrug rada, njegova prava i obaveze uređuju se posebnom odlukom Vlade.“.

Član 2. **(Stupanje na snagu)**

Dopuna Pravila Javne ustanove Institut za razvoj preduniverzitetskog obrazovanja Kantona Sarajevo stupaju na snagu danom donošenja dopune Pravila na sjednici Upravnog odbora Instituta, a objavljuju se na veb stranici Instituta i oglasnoj ploči Instituta.



Predsjednik Upravnog odbora

Refik Šećibović

Broj: 01-1-02-9635/24

Sarajevo, 26. 12. 2024. godine